

IOAN: DESPAV-

terii Ninivitæ

Artis Versifica-
toriae compendi-
um.

Accessit appendix de Ac-
centibus. Item de
Figuris Liber.

Prioribus editionibus longe emen-
dator.



EDINBURGI,
Excudebat GIDEON LITHGO,
Anno Dom. 1655.



De pedibus metricis.

PYrrhichius geminis brevibus fluit, &
salit acer.
Spondæum longis liquet et constare du-
abus.

Syllaba longa brevi subiecta vocatur Iambus.
Quod si longa brevem præcedat, habeto Tro-
chæum.

Dactylus ingreditur longa brevibusq; duabus.
At geminis fertur brevibus longaque Ana-
pæstus.

Tres brevians Tribrachys rapido volat ocyor
Euro.

Vult Proceleusmaticus brevibus constare
quaternis.

Longa duæque breves & longa creant Chori-
ambum.



ARS VERSIFICATORIA

LIBER X:

Carminis, & metri, seu versus definitio.

Quid est carmen? Oratio strictiore pedum lege coërcita, & ornatissimum dicendi genus. Unde dicitur carmen? A Canendo, quod sit aptum cantibus. Non, quod lenocinio vocis cantanda sint carmina, sed cum quadam gravitate pronuncianda. Nam autore Cæsare, Qui bene legit carmina bene cantat: qui verò bene cantat, male legit. Quomodo aliter dicitur carmen? Metrum, ex eo quod cetera pedum mensura carmen metiri soleamus. Quomodo aliter? Versus, quod tam diu verti debeat, quoad recte constitutur, vel quia uno versu finito, ad principium alterius vertamur.

De Pede.

Quid est pes? Syllabarum dispositio certo numero definita. Disti autem sunt pedes, quia quemadmodum pedibus ambulamus, sic carmina quibusdam quasi pedibus incedere videntur: vel quia per eos veluti scalarum gradus carmina scandimus. Quid est scansio? Legitima metri per singulos pedes distinctio. Dic aliquot ex vulgatoribus carmina. *Hexametrum, Pentametrum, Sapphicum, Asclepiadaum, Phalæcium*. Habesne super his regulas? Habeo. Ostende,

De Hexametro Versu.

Hexametrum senis carmen pedibus fit: & apte *Dactylus* est quintus: sextam sibi vult regionem *Spondæus*: reliquisque locis sit uterlibet horum.

Dic sensum. Carmen Hexametrum sex pedibus constat: quorum quatuor primi sunt Dactyli vel Spondæi: quintus tantum Dactylus, sextus vero Spondæus. Quid est Dactylus? Est pes constans tribus syllabis, quarum prima est longa, & duæ ulti-

De quantitate Syllabarum.

max breves: ut scribite carmina. Quid est Spondæus? Est pes constans duabus syllabis longis: ut *Dantes scribunt*. Affert exemplum carminis Hexametri:

Arma virumque cano, Troia qui primus ab oris.

Scande: *Arma* vs Dactylus, *rumque* ca Dactylus *no Tro* Spondæus, *je qui* Spondæus, *primus ab* Dactylus *oris* Spondæus. Scande, i, distingue pedes; metire capiens; &c. Cui dicitur Hexametrum? Quia sex pedum ictibus ipsum metimur: ab hex, id est sex, & metrum, id est mensura. Quid in id annotari præcipit Despauteus? Hæc sequenti regula contenta,

Pedes nothi sive illegitimi in Hexametro.

Hæc te legitime docui, nam sæpe Poetæ
Ista minus servant: Tu quanta licentia cau-
tus

Est permessa vide, ne quando turpiter erres:
Namque rei gravitas quinta in regione locavit
Spondæum: velut, *magnum jovis incrementum*.
Datq; pedes alios Maro: tu puer elige legem.

Explica? Heroici versus pedes legitimi, i, ex carminis lege debiti, sunt dactylus & spondæus: admittuntur tamen nothi, i, illegitimi, per poeticam licentiam, quam cavebis, quia raro occurrit, nec nisi in magnis operibus eorum Poetarum, qui extra omnem invidiæ aleam positi sunt. Poetæ itaque in quinta regione sæpe spondæum locant, ubi rei gravitas & majestas significatur, aut mœror & languor, tamen id raro est faciendum.

Virg. *Chara deum soboles magnum Jovis incrementum.*

Idem, *Tuque ille Æneas quem Dardanio Anchise.*

Et iterum de Simone maximam tristitiam, languoremque simulante, *Constitit atque oculis Phrygia agmina circumspexit.*

Hi versus spondaici dicuntur. Quandoq; sexto loco est Dactylus: sed vix, nisi hypermeter locum habeat, & una syllaba redundet.

Virg. *At tuba terribilem sonitum procul excitat horrida.*

Ob eam rem tales versus dactylici appellantur. Reperiuntur & alii peregrini pedes in diversis locis hexametri. qui sunt, Anapaestus, proceleusmaticus, nisi cæsurae licentiam esse velis.

Tu

Libet Decimus.

Tu licentiam cauebis, nisi tantus fueris quanti hi apud quos ea
licentia reperitur, & tum ita caue, & ita parce licentia uteris ut
veteres. Qui sunt hi pedes quorum modo meministi? Jambus est
pes constans duabus syllabis, priore brevi, altera longa: ut Doces.
Anapæstus pes constans tribus syllabis: quarum duæ primæ sunt
breves, & ultima longa Virg.

Fluviorum Rex Eridanus camposque per omnes.

Proceleusmaticus, pes qui constat quatuor syllabis brevibus: ut
Ariete: & vertitur in dactylum per synæresin, quasi vocalis fiat
consonans. *Hærent parietibus scala postejque sub ipsos.*

Est autem synæresis, duarum syllabarum in unam propter ver-
sum contractio. Subjice reliqua.

Ultima versus anceps.

Ultima cujusque est communis syllaba versus.
Ne credas esse in sexta regione trochæum.

Ultima syllaba cujuscunque versus est anceps: id est, communis
pro arbitrio componentis.

Penthemimeris cum alis cæsuris.

Per penthemimerin brevis est producta licet

Penthemimeris, est ubi post duos pedes manet syllaba partem
orationis finiens: veluti, *omnia vincit amor*—hic post duos
pedes, *omnia vincit a*, manet syllaba *mor*, finiens hanc orationis
partem *amor*, cujusmodi syllaba invenitur licenter produci ra-
tione cæsuræ, cum naturaliter sit brevis, ne dicatur tertio loco
esse Jambus quem non recepit heroicum. Cæsuræ vel sectio est
syllaba residua in fine dictionis post pedem absolutum, quæ si
brevis sit, licentia extenditur. Quatuor species habet. Triemi-
merim ubi post unum pedem manet syllaba dictionem finiens.

Virg. *Pectoribus inhians spirantia consulit exta.*

Penthemimerim ubi post duos pedes syllaba manet.

Virg.

Omnia vincit amor, & nos cedamus amori.

Hepthemimerim, ubi post tres pedes.

Virg.

Dona dehinc auro gravia, sectoque elephanto.

Ennemimerim, ubi post quatuor pedes, Virg. ecl. 6.

Ille latus niveum molli fultus hyacintho.

Pentametrum carmen

Pentametrū vult quinque pedes: pes tertius esto

De quantitate Syllabarum.

**Semper spōdæus: quartus quintusq; anapæstus;
In reliquis spondæus, erit vel dactylus, ut vis.**

Pentameter versus constat quinque pedibus; quorum tertius semper spondæus est; quartus & quintus anapæstus; reliqui spondæi aut dactyli, vel hi mixti: ut vis. Semper autem adste *Pentamimeris*, sive cæsura. Exemplū, *Om̄ib̄us in̄videas, sī vide n̄emotibi.* Metire; *om̄ib̄us*, dactyl. *in̄vide*, dactyl. *as li*, spond. *vide n̄*, anapæst. *mo tibi* anapæst. alii scandendo post duos primos pedes faciunt cæsuram, deinde duos dactylos sumunt cum altera cæsura: sic,

Arte leves currus, arte regendus amor.

Arte le dactyl. *ves cur* spon. *rus* cæsura, *arte re* dactyl. *gendus a* dactyl. *mor* cæsura. Unde dicitur Pentameter? *A* pente, i. quinque, & metron, mensura: quia quinq; habet mensuras seu pedes. Pentameter versus cum hexâmetro junctus facit carmen Elegiacum, miseriis, aliis etiam rebus scribendis aptum, quale est Ausonii.

Fortunam reverenter habe, quicumque repente,

Dives ab exili progrediere loco.

Et debet cum eo sensum concludere, aut suspendere, ita ut in sequentibus duobus penitus absolvatur.

Asclepiadaum carmen.

**Vult Asclepiadis versus spondæon habere
Principio: binos hinc rite capit Choriambos:
Pyrrhichius sequitur, quo non velocior alter.**

Asclepiadæus versus constat spondæo, duobus Choriambis, & Pyrrhichio: ut Horat. Od. i.

Mecenas atavis edite regibus

Distingue pedes:

Meca, spondæus; *nas atavis*, choriambus; *edite re* choriambus; *gi- bus* Pyrrhichius. Quis pes choriambus? Qui constat quatuor syllabis, quarum prima est longa, secunda brevis, tertia brevis quarta longa: ut *Nobilitas*. Quis Pyrrhichius? Qui ex duabus brevibus conficitur: ut *Deus* Unde dicitur versus Asclepiadæus ab Asclepiade inventore. Dicitur & Choriambicum.

Sapphicum carmen.

**Quinque pedes Sapphus carmen capit: esse
trohceæus**

Vult

Liber Decimus.

Vult primus, quartusq; & quintus: tertius autē
Dactylus: ipse locum sumes spondæe secundū.
Hoc carmē post treis versus sibi jungit Adonis
Metrū: quod sic fit, spondæum dactylus anteit.

Carmen Sapphicum constat trochæo, spondeo, dactylo, duobus trochæis: veluti.

Ut queant laxis resonare fibris.

Metire. *Vt que* trochæus, *ant la* spond. *xis reso.* dactyl. *nare* trochæus. *fibris* trochæus. Catullus sæpe duos trochæos primos ponit, quem imitatur Buchananus, Psal. 90.

Mox humi comis jacet arefactis.

Huic carmini post tres versus subditur Adonium, sive Adonicum, sic dictum ab Adone inventore, dactylo & spondæo constans: ut apud Severinum Boëtium. *Nubibus atris, condita nullum.* &c. Nomen habet a Sappho puella, primum hoc genere apud Græcos usa. Quid est trochæus? Pes qui ex longa & brevi constituitur. Ut Solve.

Phaleucium carmen,

Quum facies carmen quod composuisse Phaleucus

Dicitur, in prima spondæus erit regione:

Dactylus inde datur, triplicem cui junge trocheum.

Phaleucium constat spondæo, dactylo, & tribus trochæis: ut apud Catullum

Passer deliciæ meæ puella

Scande.

Passer spond. *delici* dactyl. *a me* troch. *a pu* troch. *ella,* troch.

Nomen accepit a Phaleuco inuentore, & dicitur alias hendecasyllabum, quod sine Synalœpha & Eclipsi undecim est syllabarum. Catullus in prima regione usus est promiscue Iambo & Trochæo. Quæ sunt figuræ scansioni potissimum deservientes? *Synalœpha, Eclipsis, Synaresis, Diarexis.* Profer de his regulas.

Eclipsis & Synalœpha.

M ne cat Eclipsis, seu vocalem Synalœpha:

Dictio dum sequitur, quæ à vocali incipiatur.

Eclipsis, est (m) literæ cum sua vocali detractio absumptio,
vel

De quantitate Syllabarum.

vel interemptio, quoties dictio aliqua in (m) literam definit, & dictio sequens a vocali inchoatur: ut in hoc versu.

Virtutem primam esse puta compescere linguam.

Scande, *Virtu* spond, *tem pri* spond, *messe pu*, dactyl, (m & a absumpta) *ta cum* spond. *pescere* dactyl. *linguam* spond.

Virg. ——— *Multum ille & terris jactatus & alto.*

Scanditur sic, *Multil*, *let ter*, *ris ia*, *etatus &*, *alto*.

Synalœpha, est vocalis detractio, quoties dictio in eam definit, & sequens a vocali exordium sumit: ut,

Sera nimis vita est crastina vive hodie. Scande.

Sera ni, mis vi, test cra, stina vi, v' hodie. Quod si versus finiatur in (m) vel in vocalem, & sequens a vocali incipiat, nulla erit eclipsis aut synalœpha, præterquam in paucis versibus, qui dicuntur hypermetri, ubi in versu finito manet syllaba, in (m) vel in vocalem desinens, quæ à principio alterius versus absumitur: ut, Virg. *Sternitur infelix alieno vulnere, cælumque*

Adspicit, & dulcis, &c.

Idem. *Aut dulcis musti Vulcanodecoquit humorem*

Et foliis undam ———

Vocalis non absumpta sed correpta tantum.

**Non perimens longam raro breviare Poëta
Consuevit: veluti sunt insula ore canenda.**

Vocalis ante vocalem non semper absumitur, sed aliquando longa solum corripitur, quod notandum magis quam imitandum.

Virg. *Et longum formose vale vale inquit Iola.*

Credimus, an qui amant ipsi sibi somnia fingunt?

Nunc magno nobis sunt insulæ ore canenda.

Vocales ante vocalem immutata.

**Id mirare magis, vocalem nil variatam
Interdum cernes: velut Ionio immenso.**

Aliquando vocalis manet invariata: sed id quoque magis notandum quam imitandum.

Ovid.

Iactari quos cernis in Ionio immenso.

Versus est spondaicus.

Virg.

Et succus pecori, & lac subducitur agnis

O & H E V,

Liber Decimus.

Heu, ô non perimes: at ô interdum breviabis.

O & Heu, ante vocales integræ manent. Ovid.

O utinam tunc cum Lacedæmona classe petebat. Virg.

Te Corydon O Alexi, trahit sua quemque voluptas.

Ubi O etiam corripitur: Ovid:

Heu ubi pacta fides? ubi qua jurare solebas? &c.

In his ergo Synalœpha nihil juris habet.

Vocalis ante vocalem in eadem dis-
tionē absumpta.

Vocalem perimunt plerumq; in nomine eodē.

Sic Maro doctè refert, *Alvearia vimine texta.*

Synalœpha fit nonnunquam in eadem disitione. Virg.

Seu lento fuerint alvearia vimine texta. Scande alvaria

Propert. Eisdem *habuit secum quibus est elata capillos.*

Scande, *of dabu, it se, &c.* Hæc contractio fit plerumque in possessivis in (reus) finitis, Ovid. 12. Metamorph.

Barba erat incipiens, barba color aureus, aureque

Ex humeris medios ——— Propert.

Ferrique Eumenidum thalami ——— Sic contrahuntur

Apud Poetas ablativi eadem & eodem. Virg: in Bucol.

Uno eodemque igni ——— Propert.

Hæc eadem rursus Lygdame curre via.

Synæresis nulli vitanda.

Omnibus ista licent, *huic, cui, dii, diis, quoque*
dehinc, dein,

Proin, deest, semianimus, prout, deorsum, prahen-
dere, seorsum:

Sic ii, sic iisdem. Quædam divisa leguntur.

Synæresis est duarum vocalium naturaliter diversarum, in unam contractio: ut Thesi pro Thesci Phæton pro Phaëton:

Auris pro aureis: *Atria dependent lychni laquearibus aureis:*

In sequentibus solet esse licentia in carmine, *huic, cui, dii, diis, dehinc, dein, proin, deest, semianimus, semustus, semihomo, prout, deorsum, seorsum, prahendo, ii, iisdem:* ut

Huic coniunx Sichæus erat. — Cui pendere sua patereris, &c. —

De quantitate Syllabarum.

Quædam divisa leguntur) Nam huic dissyllabum est Sidonio,
Affurrexit huic coxit quod torridus Auster. Albinus,
Ille cui ternis Capitolia celsa triumphis.

DIÆRESIS.

Scandere si bene vis, tu nosce Diæresin apte,
Ex una per quam duplex sit syllaba semper.
Sic *syllæ* vates lyricus trissyllabon effert.

Diæresis est unius syllabæ in duas divisio: ut *syllæ* dissyllabum est, sed vates lyricus Horatius per tres syllabas *syllæ* dixit: ideo notitia hujus figuræ ad scanstionem necessaria est. In verbis Volva & Solvo frequens est diæresis apud Poëtas. Catul. de passere.

Quod zonam solvit diu ligatam

Ovid.

Debuerant fufos evoluisse suos.

Diæresis, id est divisio, Diaireo, id est divido.

I vocalis ubi putatur esse consonans.

Nominibus Græcis non consonat i, sed Hebræis:

Quapropter dices *Iacobus, Iambus, Iaspis*:

Profer Iulus, Iapys, Ioannes & Iason:

Suavèque ab indoctis laniatum nomen *Iesus*.

I litera nunquam in Græcis, sed sæpe in Hebræis est consonans: unde *Iacobus* quatuor syllabarum est, *Iambus, Iaspis, Iulus, Iapys, Iason*, &c. trium. *Iesus* autem trissyllabum est.

Quot sunt Regule generales quantitatibus

syllabarum? Duodecim. Cedo quæ?

Prima de Positione.

Dum postponuntur vocali consona bina,

Aut duplex, longa est positu. Quod si duo
sub sint

Finali, rarò positu producitur illa.

Vocalis naturaliter brevis, quam duæ consonantes continuo sequuntur, ita ut una consonantium in eadem dictione ipsi vocali,

cali adhaereat, aut vocalis quam in eadem dictione sequitur duplex x, & z: vel j consonans in medio dictionis non compositæ, inter duas vocales posita: ut, Maia, producitur ea vocalis positione, sive positu consonantium vel duplicis. Excipe in nominibus biiugi, triiugi, multiiuges, &c. Cur dixisti vocalis? Quia omnis syllaba, gratia vocalis quanta dicitur. Cur dixisti, ita ut una consonantium, &c. Quia non oportet semper utramque in eadem syllaba locari, sed una potest esse in fine unius dictionis, & altera statim in principio alterius dictionis sequentis: verbi gratia (a) in at corripitur, eadem si consonans in principio sequentis dictionis ponatur, producitur.

Virg.

At Regina gravi, &c.

Exempla regulæ sunt, Tempus, annus, lustrum, dixerunt, azy-mus, aio, &c. Consonans bis posita pro duabus habetur: ut, prima in annus, &c. Declara illud, Quod si duo subsint finali raro, &c. Hoc est, Oportere ex iis consonantibus alteram semper esse junctam cum vocali. Nam si qua dictio terminatur in vocalem brevem, & huic subijcio in versu dictionem, in cujus initio sunt duæ consonantes, fallor si puto illam vocalem finalem brevem posse produci positione, quanquam hoc factum aliquando reperitur: ut apud Iuvenal.

Occulta spolia, & plures de pace triumphos.

Occul spon. ta spoli dact. hic ta longa est positione consonantium sp. sed quod tam rarum est, non est trahendum in exemplum.

Regula secunda de liquescentia.

Cum muta liquidâ scribens in syllabâ eadē, Ancipitem ponas vocalem, quæ brevis esset; Hanc tamen in prosa semper breviare jube-mus,

Sunt l, r, liquidæ: queis raro jungimus n, m.

Quando vocalem natura brevem sequuntur muta & liquida, eandem cum sequente vocali constituentes syllabam, ita tamen ut præcedens vocalis in eadem dictione ponatur, ipsa est anceps in versu, in prosa vero semper correpta. Mutæ sunt b, c, d, f, g, k, p, q, t: Liquidæ l & r & aliquando n, m. Ovid.

Et primo similis volucris, mox vera volucris.

Virg.

De quantitate Syllabarum.

Virg. *Albanique patres*, &c. Ovid. *Tempus Atla veniet*:
Sic ibidem: *id metuens solidis pomaria clauferat Atlas*, &c.

De *n* & *m* ratioia sunt exempla: ut, *Arithmos*, id est nuthe-
rus: & *cynus*, quæ corripuntur. Horat.

Donatura cyni si libeat sonum.

Versus est Asclepiadæus. Cur dixisti in regula vocalem na-
tura brevem? Quia quæ sine positione producitur, nulla lique-
scentia potest corripi: ut prima in *Matrimonium*.

Cur dixisti, eandem cum sequente, &c. Quia alioqui liquefcentia
locum non haberet: ut *abnuo*, *obruo*, &c.

Regula tertia de Diphthongis

Diphthongū produc in Græcis atq; Latinis.

In Græcis semper: verum subeunte Latina

Vocali, brevio: veluti præit, atque præstus.

Omnis diphthongus naturaliter producitur tam in Græcis quā
in Latinis: ut *Mulæ*, *cœna*, *audio*, *euge*. In Græcis quidem etiam
subeunte vocali: ut *Æneas*, *OEagrus*. In Latinis vero tum cor-
ripitur sæpius, ut *præfisse*, *præhendo*, & omnia à præ composita,
sequente vocali.

Virg.

Stipitibus duris agitur sudibusque præstis.

Ovid.

Raptaturque comis per vim nova nupta præhensis.

Quid est diphthongus? Duarum vocalium vim suam retinenti-
um in eadem syllaba complexio. Unde dicitur? à *dis*, id est *bis*, &
phthongus, sonus, quasi duarum vocalium sonus.

Quot sunt Diphthongi? Sex æ. œ, au, eu, ei, yi: ut *Sæpe*,
foenum, *aula*, *Euterpe*, *treis*, *Harpyia*.

Regula quinta de Vocali ante Vocalem.

Vocalis brevis ante aliam manet usque Latinis.

Vocalis ante vocalem in Latinis dictionibus corripitur: ut
Marius, *Maria*, *Lucius*, *Lucia*.

Quinque exceptiones.

Ni capit r fio produc: & nomina quintæ

E servant longum, si præsit i: ceu speciei.

Anceps jus erit patrio. dic semper alius:

Alterius brevio tantum: commune sit ohe.

Caius & Caj produc: conformia iunge,

Exceptiones sunt quinque. *prima*, Fio producitur, ubi abest *r*. ut fiebam, fiam: ubi vero adest *r* corripitur ut fieri, fierem. *Secunda*, Nomina quintæ declinationis producant e ante i in genitivis dativisque si præcedat *i*: sicut speciei: secus corripunt: ut fidei, rei *Tertia*. Pronomina secundæ declinationis, & nomina habentia secundam declinationem pronominum variant *i* ante *us*: ut unius illius, quæ in prosa tantum producantur. Alius in genitivo tantum producitur: Alterius solum corripitur. *Quarta*, Ohe interjectionis exclamantis, & satiati variatur. *Quinta*, Pompei, Cai, Vultei, similesque, vocativi producantur, & ubicunque i consonans in vocalem vertitur, ut fit in Caius trisyllabo. Diana primam habet communem.

De vocali ante vocalem in Græcis.

Hic Græci variant, nec certa lege tenentur.

Græcorum quædam producant vocalem ante vocalem: ut Aerialia. Quædam corripunt: ut Sophia, de quibus non potest dari certa regula.

Regula quinta de derivativis.

Derivata patris servabit dictio normam,

Consona si patri: maneat: docet istud aratrum.

Multa tamen tolles post declarata, vel ante.

Syllaba tanta est in derivativo, quanta fuit in ea primitivi parte, unde immediate derivabatur, si consonans primitivi maneat in derivativo: ut Legi, præteritum priorem producit: ergo etiam legeram, legerim, legissem, legero, legisse, quia à legi formantur. Lego autem priorem corripit, ergo etiam legebam, legam, legissem, &c. Item supinum aratum producitur: ideo etiam quod ab illo fit aratrum non posito tantum, sed natura ipsa. Cæterum multa contra primitivorum regulas aut producantur aut corripuntur, quorum nonnulla jam dicta sunt, plura declarabuntur.

Regula sexta de compositione

Simplicis observat mensuram compositivum,
Quamvis diphthongus, vel vocalis varietur.

Hanc legem spernunt dicus a dico, in nubus atq;

Pronubus, ambitus, nihilum cum semisopitus,

Pejerat a juro cum dejerat, agni us, & cog.

Connubium varies: ab itum comitia dicas.

De quantitate Syllabarum.

Compositum sequitur simplicis regulam, & contra; etiam diphthongo aut vocali mutata: ubique tamen sunt regulæ observandæ positionum & vocalium ante vocales: ut ludo, colludo: lædo, illido; amicus, inimicus: tabeo, contabeo: taceo, reticeo: facio, reficio. Sic per hanc regulam præpositiones in compositione quantitatem priorem servant. ut abeo, adamo, subeo, evoco deduco amoveo, &c.

Hanc legem, &c. Ab hac regula demuntur a dico nomina in dicus: ut Caudidicus, maledicus, &c. A nubo, pronuba, innuba. Connubium variatur. Ambitus, ta, tum; participium ab ambio, ambis, producitur. Ambitus, nomen semper corripitur. Nihilum a ni, id est, non, & hilū res nullius pretii; utpote fabæ nigrū quod producitur: nihilum autem corripitur. Pers:

De nihilo nihil, in nihilum nil posse reverti.

Sopio primam producit, & semisopitus eandem corripit: Cætera satis patent: præter comitium, quod a simul itando dictum volunt, & producit primam etiam, nempe com: licet eadem in coeo brevitur: nam coeo erat comeo, i. simul eo: sed fecit euphonia coeo. Præterea comitium antepenultimam producit, hæc est illud i ante t, cum idem sit breve in coitum, & in simplici itum.

SE & DI.

Se produc & **di**: præter *dirimo* atque *disertus*.

Se & di præpositiones Latinæ inseparabiles producuntur: ut Segrego, diduco, &c. Corripiuntur tamen Dirimo; disertus.

RE:

Est *re* brève: at *refert a res* producere debes.

Rejicit & reicit: Nam quæ *jacio* tibi format,

I prius interdum tollunt, ut corripiantur.

Addit vel demit metri gravitate Poeta.

Re præpositio inseparabilis corripitur: ut Redeo, reditus pro anno proventu, renuo. At *refert*, &c. Refert a res compositum producitur: alioqui corripitur. Rejicio a re & jacio producitur positu; quia in eo verbo i consonans est: ubi autem corripitur, j consonans abjicitur, quod etiam contingit in aliis compositis a jacio: ut adiicio, vel adicio: abiicio abicio: subiicio vel subicio &c. Ea abjectio in prosa barbarissimum facit: in carmine in his

com.

Liber Decimus.

compositis à jacio omnibus licet. Pœtæ profecto plerunque metri gratia aliquid addunt aut demunt, id in prosa esset barbarissimus, præterquam forte in paucis iam olim in prosa admissis.

P R O.

Est pro breve in Græcis: pro longum rite Latinis.

Pro, Græca præposito *pro ante*, semper corripitur: ut prolepsis, prologus, Propheta, &c. *Pro* Latina præpositio producitur: ut prodo, proficio &c.

P R O correptum.

Corripias pronepos, profugat profugit, proficiscor
Et procio peto significans: cui junge procello,
Atque profana, professa, profunda, profesta, profari.

Sunt contra patrē correpta profecto, protervus,
Propino vario, procuro, junge profundo.

Sic bene doctæ locas propello, propago, Lucreti.

Diſtiones textui insertæ corripiant *pro*, inter quas *propino* *procurro*, *profundo*, *propello*, *propago* *propagas* verbum variant: *Propello* quidem & *propago* apud Lucretium potissimum.

I & O in compositis.

Pars si componens fini prior i vel o donat,
Sit breve: cunctipotens & Timotheus manifestant
Quod si nō semper manet i, producit o semper.

Habet hæc regula partes duas, quarum prior est, Diſtiones compositæ, sive Latinæ sive Græcæ, terminantes in *i*, primam partem compositionis breviant *i*: ut *Bifidus*, *trifidus*, *sesquipes*, *semivir*, *vitifator*, &c. Posterior. Diſtiones Græcæ terminantes in *o* primam partem compositionis, breviant illud *o*: ut *Dorothea*, *Samothracia*, *Timotheus*. *Quod si non*, &c. Hoc si ex declinatione tantum proveniret, produceretur: ut *Tantidem*, *tanticunque*. Sic si partes compositionis dividantur & legantur seorsim: ut *magni pendo*.

De quantitate Syllabarum.

Exceptio.

A quotus atque dies recte variato: at ibidem
Et tibicen erit longum, cui jungis ubique.
Protrahit Aufonius *matricidam* gravitate.
Lagopus, *geolophus*, atque *Theophila* produc,
Cum *Leucopetra*: *Geometra* jungitur apte.
Quod *medius* facit atq; *dies*, producito semper.

A quotus & dies sit quotidie. Et hinc quotidianus, & variari potest utrumque. At ibidem, tibicen ubique producantur, scilicet secundo loco positum. Aufonius metri gratia producit *matricida* in Monostichis Cæsarum.

Matricida Nero proprii vim pertulit ensis.

Lagopus avis leporino villo pedes habens: *Geolophus*, i. terræ tumulus: *Theophilus* *Theophila* propria: *Leucopetra*, loci nomen & interpretatur alba petra: *Geometra*, notæ significationis producantur. Meridies, quasi *medius dies*, producit semper.

Regula septima de præteritis dissyllabis.

Præteritiva tenent primam dissyllaba longam.
Tolle *bibit*, *scidit*, & *fidit*, ac *tulit*, ortaq; *do*, *sto*.

Præterita dissyllaba producant priorem: ut *Veni*, *feci*, *vidi*. &c. Tolluntur *sex*, *bibi*, *scidi*, *fidi*, *tuli*, *dedi*, *steti*, quæ breviant.

Regula octava de geminatis præteritis.

Corripiunt binas geminantia: ceu *ceciderunt*.
Tolle *ceciderunt* a *cado*: a *pedo* *pepedi*.

Præterita geminantia principium, primam & secundam syllabam corripiunt, nisi positio impediatur: ut *Tetigi*, *peperi*, *pepuli*, *tutudi*. In *ceci* vero a *cædo*, & *pepedi*, prima tantum corripitur: ideo excipiuntur,

Regula nona de Supino dissyllabo.

Cuncta supina tenent primam dissyllaba longam:
Præter nata *sero*, *cieo*, *lino*, *sto*, *sino*, *sisto*,
Do, *rno*, cum *queo*, *eo*, *reor*, At *staturus* atum dat.

Supina

Liber Decimus.

Supina dissyllaba producant priorem syllabam : ut visum, lūsum, &c. *Præter nata fero*, &c. Eximuntur satum à fero, citum à cieo, litum à lino, statum à sto & sisto, situm à lino, datum à do, rutum à ruo, quitum à queo, itum ab eo, ratum à reor. Statutus contra primitivi naturam primam producit.

Regula decima.

Præ tum vocalem de vi, reliquis dabo longam.

Omne Supinum non dictum, mutans vi syllabam in tum, producit vocalem ante tum: ut expeditum, petitum, &c.

Regula undecima de verborum clementis.

A in clementis verborum.

A crescens producat, nisi clemento dare primo.

Clementum verbi est ubi exceditur secunda persona singularis numeri, præsentis temporis, indicativi modi, activæ vocis: quæ si defuerit, qualis foret ostenditur: ut Amamus Crescit, quia excedit hanc personam amas, Oscularis crescit quia si secunda persona activæ vocis foret, ipsa esset osculas. Vocalis in primo clemento est, quæ erat secundæ personæ ultima: reliquæ in secundo clemento esse dicuntur. A igitur in omni clemento producit, ut Amamus, legebamus: Excipitur in primo clemento do, das, dare. cum suis primæ conjugationis compositis: ut Venundabam, pessundabam, &c.

E in clementis.

Ni subit r, producat e semper: cum subit r, do

Cum socio ternæ breve præsens: protrahe reris

Sæper e corripitur præ ram, rim, ro: beris adde:

In reliquis producat: quavis steterunt Maro dicat.

E in utroque clemento producit: ut Amamus, amaremus docemus, legebam: nisi postponatur r: nam tunc corripitur omne præsens tertiæ conjugationis: ut Legor, legeris, legere, legeremus, legerem. *Cum socio,*) Id est, Præterito imperfecto subjunctivi modi. Re ante re vel ris producit: ut Legereris: E ante ram, rim, ro semper corripitur: ut Legeram, legerim, legero. Sic amaveram. Beris vel bere corripitur: ut amaberis, amabere. Cætera producantur: ut Steterunt, legerunt, qualia

De quantitate Syllabarum.

Virgilius, & plures licenter corripuere, nos non imitabimur.

I & V in Crementis Verborum.

I produc primo cremento, dummodo quartæ
Est verbum: debet semper produci*er i vi.*

Corripe præteritis *imus* undique: *venimus* edit.

In subjunctivo *rimus*, *ritisque* licenter

Invenies: dices *nolito*, *velimus*, & *itis*,

Et *simus sitis* produc. Erit *u* breve, non *o*.

I in primo cremento verbi quartæ conjugationis semper produci*ur*: ut *audimus*, *auditis*, *audire*, *audirem*, &c. *Ibam* *ibo* &c. Item præteritum in *ivi* producit ubique *i* ante *vi*: ut *Petivi*, *petiveram*. *Imus* in omni præterito, corripitur: ut *Venimus*, *audivimus*. Nisi in subjunctivi præterito, in quo *rimus* & *ritis* licenter produciuntur. Crementum per *i* in verbis *Sum*, *Nolo* & *Volo*, cum compositis produci*ur*: ut *Sitis*, *velitis*, *possimus*, &c. *O* in cremento produci*ur* ut *Amatore*: *U* vero corripitur: ut *Volumus*. Cætera nota sunt.

Regula duodecima de nominum crementis.

A longum, *E*que scies, simul *O*, sic profer
earum.

Musarum, *rerum*, *dominorum*, sicque *dierum*.

V brevis *I*que manet, *Veribus*, *gravibusque*
notabunt.

Crementum nominis, pronominis & participii est excessus obliqui in syllaba vel syllabis, supra nominativum ejusdem numeri: ut *Puer pueri*: qui quorum. In cremento autem plurali *a*, *e*, *o*, produciuntur: ut *Harum*, *rerum*, *horum*, *I* & *u* corripuntur: ut *artibus* *artibus*. Prima declinatio in singulari non crescit, nisi pro *æ* dicatur *ai*. de quo facis dictum est. Nec quarta nisi in dativo ubi est vocalis ante vocalem, ut dictum est. Ergo à secunda auspicabimur.

Crementum secunda declinationis.

Quæ sequitur primam, tantum producit *Iberi*.

In

Liber Decimus.

In secunda declinatione unica producit penultimam genit.
Iber, Iberi, & ejus compositum. Celtiber, Celtiberi.

Tertia Crementum Ad O

Dic *atis*. *onis* ab o fer: *inis* breve: protrahis *enis*.
on si vertis in o, mensus fit, qui fuit ante.

A corripitur, ut poëma poëmat^{is}. Ab o producuntur *onis* & *enis*: ut Cato caton^{is}. Anio Anien^{is}. *Inis* ab o corripitur: ut Virginis, &c. Si Græca in *on* amittant n, servant in obliquis quantitatē quam habuerunt: ut Agamemnon, Agamemnon^{is}: Briton, Briton^{is}. Sic Brito Briton^{is}, Saxo Saxon^{is}, Macedo Macedon^{is}, &c. quæ corripiuntur.

C.

Dices *halecis*, nec spernes *Melchisedecis*.

Halec halecis: Melchisedec Melchisedec^{is}, producant penultimam genitivi.

D.

Davidis à *David* dices, *Bogudis* *Bogud* optat.

Duo in d corripiunt, Davidis, Bogudis. Buchan. Psal. 132.

Davidis esto memor. —

L

Masculinum dat *alis*: neutrum formatur in *alis*.

Elis cum *Solis* produc: reliquis breviatis.

Al *alis* masculini generis corripit penultimam: ut Sal sal^{is}, Hannibal, balis. Neutra producuntur: ut Capital, talis, &c. Sic Michaelis, Danielis, &c. Et Sol solis. Reliqua corripiuntur.

N:

On nimis incertum est. *En inis* dat: cætera produc.

En *inis* corripitur: ut Nominis, Cætera producuntur: ut Prænis, Sirenis, Delphinis, &c. De *on* nequeo dare certam regulam, nam multa producuntur: ut Babylon Babylon^{is}, Cytheron Cytheron^{is}, &c. Multa corripiuntur: ut Canon canon^{is}, Dæmon dæmon^{is}; Memnon Memnon^{is}.

De quantitate Syllabarum.

R

Aris produco neutris. *Nectar*, *jubar* aufer.
Protrahe Nar naris, *furis*, *veris*, *Ricimeris*,
Byzer, *Ser*, & *Iber*: in ter Græcum, *athere*
dempto.

Oris ab or produc: cum neutris corripe Græca:
Arboris & *memoris* brevies, indiſtaque cuncta.

Aris ab ar neutri generis producitur: ut *Laquearis*, &c. Tol-
luntur *nectaris* *jubaris*, & quædam propria, *Hamilcar*, *Hamil-*
caris, &c. *protrahe nar*, &c. Producentur quæ ſequuntur in li-
tera: *Nar* *Naris* fluvii nomen. *Fur* *furis*, *Ver* *veris*, *Ricimer*
Ricimeris viri proprium: *Byzer* *Byzeris* populus: *Ser* *Seris*,
populus à *Sera* urbe, apud quam ſunt lanigeræ arbores, unde
ſerica veſtimenta conficiuntur, *Iber* *Iberis* Hiſpanus.

Inter Græcum, &c. Græca in ter producant penultimam geni-
tivi: ut *Crater* *crateris*; *Character* *characteris*. Excipitur *Æ-*
ther ætheris. *Oris* ab or produc, &c: Producoris ab or: ut a-
moris &c. Sed corripe neutra, ut *Marmoris*, &c. Et Græca:
ut *Caſtoris*, *Hectoris*, cum *memoris*, *arboris* & cum omnibus
non dictis: ut *maulieris*, *gutturis*, *martyris*, &c.

AS

Atis ab as produc. *Abanas* *anatis* breviato.
Cætera corripies, niſi *vaſis*, dico *vadis* *vas*.

As *atis* porrigit: ut *Pietas* *pietatis*, &c. Demuntur *Anas* a-
natis, *avis*, &c. Et *mas* *maris*, *Vas* *vadis*: & Græca mittentia
genitivum in *adis*: ut *Pallas* *Palladis*, &c.

ES.

Es breviat, niſi cum *locuples*, *merceſq;*, *quieſque*,
Sichæres: Græcum jungo quod præbuit etis.

Es breviat penultimam genitivi: *Mileſ* *militis*; *Interpres*
interpretis, *Ceres* *Cereris*, &c. Producentur vero *Locuples*
locupletis; *Merces* *mercedis*; *Quies* *quietis*, *Hæres* *hæredis*:
& Græca quæ habent in genitivo etis: ut *Magnes* *magnetis* *Ta-*
pis *tapetis*, *Lebes* *lebetis*, &c.

Is

Liber Decimus.

IS.

Is breviat. *Tollo glis gliris*, quodque dat *itis*:
Et Psophis, Crenis, Nefis: Græcum quod in *n* fit.

In *is* corripiunt penultimam genitivi: ut *Lapidis, Ifidis, cineris*, &c. Sed porrigunt *Glis gliris*: Et quæ habent *itis*. ut *Dis ditis*: sic *Samnis, Quiris, Lis, & Psophis, idis*, urbs: *Crenis Crenidis*, *Nymphæ* nomen. *Nefis, Nefidis*, Insula adiacens *Campaniæ*. Adde Græca in *is*, quæ per *n* etiam finiuntur: ut *Salamis Salaminis, Trachys Trachynis*. *O S.*

Protrahit os. tria corripiunt, bos, compos, & impos.

Os in obliquis penultimam producit: ut *Rhinoceros, rotis, Custos custodis, flos floris Tros Trois*: *Heros herois, Tria Bos bovis, Compos compotis, impos impotis* corripiunt.

V S.

Vs breviat. *Tollas præ dis, ris, tis*, quod habebit
V: præter *pecudis, ligurisque, intercutis* addo.
At melius melioris habet: conformia junge.

Us Penultimam genitivi corripit: ut *Corporis, Velleris, Tripodis, Oedipodis*, &c. Producent quæ habent *utis, udis*. aut *uris*: ut *Virtutis, subscudis, juris*: sic *incudis*. Corripiuntur *pecudis, Liguris à Ligus, & intercus intercutis*. Comparativa producantur: ut *Melioris*, &c.

BS. PS, MS.

Consona cū præit s, patrii penultima curta est.
Hinc Cyclops, seps, gryps, conops, cercops removo
et Plebsque Europs, hydrops, fuge Cyclopis atque Dolopis.

Nomen in *s* præcedente cōsonante: ut *bs, ms, ps*, penultimā genitivi corripit; *Lælaps Lælapis*, nomen canis. Producentur *Seps seps* serpens, *Gryps, gryphis* animal; *Conops conopis* i. culex, *Europs Europis*, proprium regis, *Hydrops hydropis* aqua intercus, *Cercops Cercopis*, populus ab *Jove* in finias conversus.

De quantitate Syllabarum.

Ovid, *Quippe deum genitor fraudem, & perjuriam quondam
Cercopum exosus.*

Adde *plebs plebis, id est vulgus.*

Fuge *Cyclopi, &c.) Cyclops tantum producitur contra Sul-
pitium, Dolopis vero corripitur, Cyclops, gigas, unoculus.*

X

Præ *gis vocalem brevior. Producito lex, rex,
Ex icis abbreviat vibex nisi. Cætera produc:
Præter abax, Smilax, Atrax cū dropace, Candax
Fax & athax, Pharnaxque, panaxque, storaxque
colaxque,*

*Pix, & onyx, illix, histrix, cum mastige, varix,
Coxendix, & Eryx, formixque, calixque, cilixque
Dic filicem, salicem, laricem, natricemque, ni-
vemque,*

*Cappadocem, celocem, cum præcoce. Jungitur
istis*

*Dux, trux, nux, crux, atque Volux. Variatio
Syphacem,*

Et *Bebrycem, raro nomen producimus istud.*

*Vocalis anteq corripitur: ut Remex remigis, Grex gregis
Phryx phrygis, &c. Sed producuntur Lex legis. Rex regis.*

*Corripe item icis ab ex: ut Vertex verticis, &c. Unum pro-
ducitur, vibicis. Cætera producuntur in obliquis: ut Myrmex
myrmecis: Halex halecis, &c. Quæ sequuntur in textu brevi-
antur: ut Abax abacis, mensa numeratorum. Smilax smi-
lacis species hederæ, Atrax atracis fluvius, Dropax dropacis,
unguenti genus. Candax insula, vulgo Candia: Fax facis, A-
thax Athacis, fluvius. Pharnax viri proprium, panax panacis
herba. Storax storacis, genus aromatis: Colax Colacis, parafiti
nomen: Pix picis, Onyx onychis, unguis & lapillus pretio-
sus, Illix illicis, id est fraudulentus. Histrix histricis, erinace-*

us,

Liber Decimus.

us. Mastix, mastichis, resina lentisci arboris. Mastix mastigis vel mastigos, flagellum: hinc mastigia, id est verbero verberonis. Varix varicis, plus æquo intumescens vena. Coxendix, coxendicis, coxa, Eryx Ericis urbis montisque nomen: Fornix fornicis, arcus lapideus: Calix notum: Cilix Cilicis, populus. Filix herba. Salix, Larix laricis arbor. Natrix natricis, serpens. Nix nivis. Cappadox Cappadocis, quispiam in Cappadocia natus Præcox præcocus, præmaturus. Dux, trux, cis, crudelis, Nux; crux, volux. Syphax, proprium viri, variatur: & Bebryx, populus raro producitur.

De primis, regule generales.

A solum trahit l, quodque, et dissyllaba
mannas,

E dissyllaba d, simul l, tardant: sed et n s,

T que vel v conso. Cætera corripunt.

I tardant d, vel l, n, & s, seu consonitans v,

M vel r, in dissyl. Cætera corripunt.

O, *hogomoso* dissyllaba d, modo tardant,

U, rapiunt, b, l, p, polysyllaba t, neque solum u.

A in prima corripitur ante omnes consonantes simplices: præterquam ante l, & dissyllaba mannas, id est, ante m n s. **E** corripitur ante omnes consonantes simplices in primis, præter dissyllaba d & l, & præterquam ante n s r & v consonantem **I** quoque corripitur præterquam ante d l n s & v consonantem & præter dissyllaba in m & r. **O** corripitur nisi ante b g m s, & dissyllaba ante d. **U** vero producitur nisi ante b l p: & polysyllaba in t, et ante v, cum alia litera: ut pluvia, nam si sola sit producitur, ut uva.

De mediis.

A tardat g vel v, mediis: sed cætera curtant,

E, c, d, tardant, l, m, n, t, vel u mihi sola,

I nisi sit super v vel q, poscit breviari.

De quantitate Syllabarum.

O medio tardant s, t, sed cætera curtant.
U curtant b vel f, l, p, seu consonitans v.
Dum subsunt mediis: cætera longa dabis.
Excipienda suæ ponuntur in ordine normæ:
Nunc satis est primam significasse viam.

A in mediis producitur ante g & v consonantem, ante cæteras corripitur. E producitur in mediis ante c d l m n t & v consonantem, ante cæteras corripitur. I corripitur in mediis ante omnes, præterquam ante q & v. O producitur in mediis ante s & r, ante cæteras corripitur. U corripitur ante b f l p. & v consonantem, ante cæteras producitur. Exceptiones quærendæ sunt in codice *Despauteriano* majore, ubi omnia fusillime explicantur. Hic enim satis est velut quoquomodo viam indicasse.

De ultimis. A terminale.

A declinatum brevia. Sed protrahe sextum,
Et quintum, cujus rectus producitur, & *Mna*.
Producunt nostri quædam muliebria Græ-
ca

In recto, ut *Tegea*: sine teste nihil volo tale.
Non declinatum produc. *ita cum quia* dem-
ptis,
Et *puta* non verbo. *ginta* melius loco lon-
gum.

Postea, & *ultra* leges cum *contra*, curta licenter.
Eia breve est Flacco :

Ultima syllaba noscitur positu: ut post, ast, est, amant. Diphthongo: ut Heu, musæ. Regula: ut A declinatum corripitur: ut Musa, Anna, nominativi & vocativi casus. Loquimur de declinatis per casus, non per tempora *sed protrahe* &c. ab hac regula tolluntur ablativi, quia producuntur: ut Musâ, meâ lectâ, & vocativi à nominativis productis: veluti, Ænea, Anchisa,
Atla

Liber Decimus.

Atla. Mna monosyllabum cujusunque casus producitur.

Producunt. A in nominativo Græco scæminini generis à nostris corripitur. licet illi producant, veluti Scylla, Medea, Lerna, &c. Quosdam tamen nominativos nostri produxerunt ad imitationem Græcorum, sicut tamen ut aliqua cæsurarum locum habeat, ideo nihil tale producemus sine autoritate, idque faciemus rarissime: quia poterunt in e terminari: ut Tegea vel Tegee, &c.

Non declinatum, &c. A in omni per casum non declinatis producitur: ut clama, frustra, præterea, supra, &c. Corripiuntur autem *ita quia & puta* adverbium. Numeralia in ginta rectius producuntur: ut Triginta, quadraginta. Produco quoque præterea interea, postea. contra, ultra quæ interim corripiuntur; Eia Valerius Flaccus corripit. Halleluja Sidonius.

E in ultimis.

E brevia. Primæ produc, & nomina quintæ

Cum natis: addes pluralia cuncta. Secundæ

Junge *doce* & *focias*. monosyllaba longa repono,

Inclinativas præter: *male* cum *bene* demptis.

Omnia produces adverbia, si qua secunda

Præstiterit, summi que gradus adverbia quavis.

Sunt *ferme* atque *fere* producta quibus dabis *ohe*.

E corripitur: ut, Docere, Ganymede, Hercule, Achille, & similes Vocativi, & Ablativi tertiæ.

Prima produc. &c. E in prima & quinta declinatione in quocunque casu reperitur, producitur: ut parasceue, Anchise, vocativi & ablativi, specie, Die, re. hinc, hodie, pridie, postridie, quotidie, quare: sic Fame, quia aliquando quintæ fuit. produco quoque pluralia in e: ut Cete, Tempe.

Secundæ

De quantitate Syllabarum.

Secunda &c, producitur omnis secunda persona vocis activæ singularis numeri, præsentis temporis, secundæ coniugationis, imperativi modi: ut Doce, Mone. Monosyllaba producantur: ut Me, te, se, de. Hinc demuntur coniunctiones Encliticæ, quæ ve, ne. & in compositis: Quisque, nonne. &c. Producantur adverbia in e ab adiectivis secundæ declinationis, sive comparantur sive non: ut piè, egregiè æquè, doctè &c. Corripiuntur tamen bene & male, atque mage pro magis. Adverbia superlativi gradus undecunque fiunt producantur: ut Maxime, minime, &c. Produc etiam fere, ferme, & Ohe.

I finalis.

I longum pono. vocitantem contrahō ternæ:
Sæpeque Græcorum ternum, *Minoidi* testis.
Sed *nisi*, sive *quasi*, *mihī*, *ibī*, *sibi*, *ubi*, variabis
Et *tibi*: junge *cui*, tantum breve *moly* locatur.

I producitur, Corripitur vero cunctus tertiæ vocativus: ut Alexi, Amarylli, Phylli, &c. Dativus quoque tertiæ Græcus corripī invenitur: ut Palladi, Minoidi, &c. Papin. i. Achil.

Palladi littoreæ celebrabat Scyros honorum:

Sed *nisi*, &c. Variabis in litera posita, inter quæ nisi & quasi rectius corripiuntur. Cui sæpius est monosyllabum. Moly tantum breve, herbæ nomen.

O in fine.

O commune datur. produc monosyllaba, jun-
gens

Cum terno sextum, atque adverbia nomine
nata.

At variabo cito, cum *sedulo*, *mutuo*, *crebro*

Seroque: Sit curtum *modo* solum: sed breviari

Ergo pro causa non vult. produco *quaterno*

In casu nomen, sit cujus in us genitivus.

O patrii produc, variaque gerundia verba.

O variatur: ut Cato, Leo, Apollo, &c, Producantur tantum
monosyllaba

Liber Decimus.

monosyllaba: ut *sto, do, flo, &c.* Producentur tantum dativi & ablativi: ut *Domino, meo, amato, &c.* Producentur tantum & adverbia ex nominibus ducta: ut *tanto, quanto, falso, primo, &c.* Variantur autem *Cito, sedulo, mutuo, crebro, sero, modo* adverbium pro solum corripitur. Ergo pro causa producitur. Produc Græcum in o faciens genitivum in us: in nominativo, dativo, accusativo, & ablativo? ut *Dido, Clotho, Argo, Clio, Sappho, &c.* Genitivus in o producitur tantum: ut *Apollos Apollo, Androgeos Androgeo, &c.* Variæque gerundia verba: ut

Virg.

Frigidus in pratis cantando rumpitur anguis. Tibul
Aufer & ipse meum pariter medicando dolorem.

V U B.

V semper produc: B contrahe: *Barbara deme.*

V produc: ut *JESU*. B corripitur: ut *ab, ob* Demuntur *Barbara* in B, quia producentur: ut *Iob, Aminadab, Iacob, &c.*

C. in ultimis.

C produc: præter *nec, donec.* Sed variabis
Hic bene pronomen: fac verbum jungimus
isti.

C producitur: ut *Sic.* corripiuntur *nec, donec.* Hic adverbium producitur: Pronomen variatur, ut *Fac verbum.*

D. & T.

D breve ponatur, ceu *t*, nisi syncopa fiat.

D corripitur: ut *Apud, Bogud;* Sic finita in *t*, ut *caput, amat,* docet: nisi aliquando per Syncopen producantur: ut *Fumât* pro *fumavit:* obit pro obivit,

L

L breve sit: cum *sol, sal, nil,* tolluntur *Hebræa:*

L corripitur: ut *Hannibal, Hiempsal, mel, fel.* Producentur *Sol, nil & Sal.* *Hebræa* quoque producentur, ut *Michael, Raphael, &c.*

N

N produc. Demas *an. in, & prolem, tamen* atq;

Forſitan

De quantitate Syllabarum.

Forſitan & *forſan*, *viden'*, huic cōformia junges.
Quod dat inis curtum eſt, velut *on*, quod tertia
neſcit.

**Corripitur quartus quando brevis ultima re-
cti eſt.**

N producitur: ut Hymen, Titan, Delphin. Et omnia nomina
tertiæ in *on*, ut Agamemnon. Tolluntur a regula *an*, *in*, cum
prole, dein, exin, ſubin, proin, tamen, attamen, forſitan, viden,
& quæcunque per Apocopen n habent: ut men' pro mene, ten'-
tene, egon' egone &c. *Quod dat*, Corripe n habens inis in ge-
nitivo: ut peſten, crimen. &c. Corripitur quoque in *on* nomen
ſecundæ declinationis quod Latini in um vertere ſolent: ut Ilion
Pelion, &c. Corripitur ſimiliter Accuſativus, cujus nominativus
ultima corripitur: ut Medean, Maian. Accuſativi a nominativis
productis producuntur tantum: ut Ænean, Anchifen.

R

R brevies. Produc cujus dat patrius eris:
Addito Iber, ær, æther. Sit Celtiber anceps,
Vir, cor, non longum melius. Producito tantum
Cur, far, lar, nar, par, fur. vix prolem breviabo.

R corripitur ut Mulier, pater, mater, &c. Producuntur no-
mina in er, habentia crispesultima longa in genitivo: ut Cra-
ter, Character, clyſter, ver &c. Iber; ær, æther adduntur,
Celtiber variatur, ut vir.

De grege nunc tibi vir, & de grege, taurus habendus.

Et cor quod tamen melius corripitur, Producuntur tantum
Cur, far, lar. &c. Et par cum compositis impar, &c. quæ non
omnino recte breviantur quandoq;.

AS.

As produc. ſed *adis* quæ dant patrio breviantur
Et ternæ quartus: vates novus Elias inquit.

As producitur: ut Foras. Corripiuntur tamen omnia nomina
tertiæ, quorum genitivus in adis vel ados deſinit ut Arcas.

Ovid.

Quatuor autumnos Pleias orta facit.

Corripe

Liber Decimus.

Corripe quoque accusativum pluralem tertiæ in as : ut Rhe-
toras, &c. Baptista Mantuanus corripuit Elias.

E s,

Ponitur es longum. Pluralia corripe Græca
Quæ crescunt, velut *es de sum: penes inquires* adde
Cum neutris: & si patrio est penultima curta
Ternæ. Tolle Ceres, aries, paries, abies, pes.

Es producitur: ut Anchises, Dares. Corripiuntur autem om-
nia Græca pluralis numeri tertiæ declinationis, crescentia in sin-
gulari, veluti Dæmones, Vascones, Britones, pæanes, delphines,
crateres, castores, gigantes, pyxides, & quam plurima alia. Es à
sum corripitur, ab edo producitur, & penes præpositio, & inquires
nomen. Corripiuntur nomina neutri generis: ut Hippomanes,
Cacoëthes, Iuven. *Scribendi cacoëthes & agro in corde senescit.*

Corripiuntur nomina tertiæ in es penultimam genitivi
corripientia: ut pote quæ itis etis, aut idis penultima brevi
obtrinent: ut Miles, teres, deses, &c. Producentur, solum Ceres
aries, &c. Pes apud poetas anceps est Auson, in Gryph.

Qui bipes & quadrupes mox & tripes omnia solus.

I s:

Is brevio. verum plurales protraho casus :
Isque quod in patrio mutatur in *itis & inis,*
Aut entis. *Tethys* vario, *glis, vis* quoq; nomen
Cum verbo longū est: veluti persona secunda
Protrahit is, quoties *itis* plurale reponit.

Is corripitur: ut inquis, quis; &c. Producitur dativos & ab-
lativos plurales in is: ut Queis plurale, dominis, &c. Item treis
omneis &c. Producentiam nomina in is, quæ penultima longa
faciunt genitivum crescentem in itis vel inis: ut **Lis, Dis, Sam-**
nis, Salamis: Aut in entis: ut Simois, Pyrois, &c. *Tethys* va-
riatur. Producat hæc glis, vis, sive nomen, sive verbum cum
suis: ut Sis pro sivis, quamvis, utervis, &c. Producentur etiam
secundæ personæ singulares, quando plurales habent itis penult.
longa: ut velis, nescis. Futurum in subjunctivo anceps est.

Horac,

De quantitate Syllabarum:

Horat. *Dixeris egregie notum si callida Verbum.*

Ovid. *Da mihi te placidum dederis in carmina vires.*

O s.

Os produc. patrius brevis est, & *compos*, &
impos :

*Os*que offis præbens. rectos breviato secundæ.

Os recti produc, quoties tibi patrius *o* dat.

Os producitur: ut *Flos*, *nepos*, &c. Corripitur quicumque genitivus in *os*: ut *Pallados*, *Tydeos*, &c. Et *compos* & *impos*, & *os* offis breviantur. *Os* oris producitur: Omne nomen in *os* secundæ declinationis: ut *Samos*, *synodos*, &c. corripitur.

Producuntur & nomina quæ per quartam declinationem Atticam faciunt genitivum in *o*: ut *Athos*, *Androgeos*, &c.

U s.

Us correpta datur. Monosyllaba cum genitivis

Ternæ vel *quartæ* produc, numerique secundi
In quarta primum, quartum, quintumque: &
in *uris*

Dumve utis patrius, vel in *udis* & *untis*, *odis*.
ve est,

Aut quintus fit in *u*: longus tū rectus habetur:
Ergo produces venerabile nomen *J E S U S*.

Us corripitur: ut *Tempus*, *pecus*, &c. Producuntur vero monosyllaba, ut *pus*, *thus*, *rus*, &c. Et genitivi tertiæ: ut *Clius*, *Didus*, &c. Et genitivi quartæ, & in plurali ejusdem declinationis nominativi, accusativi, & vocativi: ut *Visus*, *manus*, &c. Et in *uris*, &c. Producitur *us* in nominativo singulari ubi genitivus terminatur in *uris* & *utis*, vel *udis*: ut *Tellus*, *virtus*, *palus*. Horat. *Palus* in arte poetica corripit.

Regis opus sterilisque diu palus aptaque remis.

Simile est ubi genitivus definit in *untis*: ut *Cerasus* *cerasuntis*, *opus opuntis* &c.

Græca

Liber Decimus.

Græca quoque à pus producuntur: ut Sciopus, Melampus, &c. Produc quoque ubi Vocativus in u definit: Panthus, quia Vocativus est Panthu. Sic quia per ou diphthongum, scribitur doctissimi produci testantur adorandum Domini & Dei nomen JESUS.

De decem vitiis in carmine vitandis.

Barbara nulla inerit vox aut incongrua metro:
Nulla redundabit, nulla integritate carebit.

Nil transponetur, nil confundet male sensum:
Nec rapies longā, nec produces breviandam,
Nec post vocalem, nec post *m* versu in eodem,
Partibus à variis vocalis rite sequetur,

Syllaba ni pereat præcedens: ut modo dixi.
Nec succussantes, nec pones molle crepantes.
Nec paucis numeris tibi multa licere putabis.
Nec tibi propones, nisi summos quosque imi-
tandos.

Monemur vulgata decem vitia in carminibus contexendis vitare. Primo, ne barbarum vel incongruum quicquam admisceamus. Secundò, ne quid redundans aut deficiens sit: ut qui, quoque aut alias particulas propter metrum duntaxat ingerunt. Qui pedum nimis, aut non satis ponunt: qui sensum non explent aut frustra reperunt. Tertiò, ne quid male transponatur. Quartò, ne sensus confundatur. Quintò, syllabarum quantitas non violabitur. Sextò, nec post vocalem, nec post *m* ponetur in eodem versu dictio incepta à vocali, nisi fiat Eclipsis aut Synaloepha. Septimò, non ponemus succussantes literas, syllabas aut pedes: ut

O Tite tute Tati tibi tanta Tyranne tulisti.

Octavò, ne quid sit affectatè nimis, turgidè aut molliter sonans. Nonò, vitabitur in parvo poëmate magna licentia. Et Decimò, cavebimus ne non probati authoris carmina imitemur.

F I N I S.

DE ACCENTIBUS EX PROSODIA

Georgii Buchanani.

Accidunt & syllabis toni tres : acutus, qui eas attollit: ut *Dóminus*. Gravis, qui deprimit : ut in syllabis *mí* & *nūs*. Circumflexus, qui & tollit & deprimit : ut *môs*. Sed corruptus pronunciandi usus fere acutum cum circumflexo confundit.

Regula prima:

Monosyllaba omnia attolluntur, & quæ longa natura sunt, circumflectuntur : ut *Láus fráus*.

Excipe.

Tres particulæ quæ vocantur encliticæ, quod accentum præcedentis dictionis ad se retrahant, ac sic legantur tanquam pars ejus essent. Hæ enim non secus atque in una dictione, adjectione syllabæ mutant accentum. ut,

Córpora corpóraque, sic hómines hominésque.

Virg. 3. Georg. — *Testúmque larémque,*

Armáque, Amycláumq; canem, Cressámque pharetram

Regula secunda.

IN Dissyllabis penultima habet accentum, ut in *bónus rávus, Ipánis*.

Regula tertia

IN polysyllabis è tribus ultimis una semper, attollitur, nec ultima unquam. Si in polysyllabis penultima longa sit, ea attollitur: ut,

Románus, senéscó.

Si penultima brevis sit, quæ eam præcedit attollitur: ut *Dóminus, Virgílius Virgíli, corpóribus corpóri*.

Hæc est vera accentuum ratio : cui qui plura adjiciunt, mihi videntur timuisse, nã hæc pars absque magistri opera comprehendendi posset, ideoque rem per se facilem objectis tenebris obscurare voluisse. Eorum errorem vir doctissimus *Julius Scaliger* satis luculenter in libro de causis Grammatices redarguit.

F I N I S.

DE FIGURIS

LIBER UNDECIMUS.

FIGURÆ DEFINITIO.

ARte novata aliquâ dicendi forma figura est.
Sunt ejus species Metaplasminus, Schema, Tropusque.

Quas manifestatis vitiis referabimus ample.

Figura est arte aliqua novata forma dicendi. Figurarum notitia est Poëtis, Oratoribusque necessaria.

Figuræ species sunt tres: Metaplasminus, Schema, Tropus.

Cæterum fuerit operæ pretium vitiorum naturam ante manifestare, ut ea à figuris separare sciamus.

De Vitiis.

Vitia orationis generalia sunt tria. Barbarum, obscurum, inordinatum. Barbaræ orationis species sunt duæ: Barbarismus, Solœcismus: Ejusmodi vitia utpote in primis vitanda declarabuntur.

Barbarus est, quisquis scribêdo, sive loquendo Verbum corrumpit: peregrinum est Barbara lexis:

Barbarismus est unius dictionis corruptio, scribendo aut loquendo commissâ, ut tollero cum duobus ll. Busris penultima correpta. Barbara lexis est dictio peregrina: ut Guerra, bladum stusso, fardellus, charteria, &c. Barbarismus, dicitur a Barbarus id est dissonans, quia à vera Latinitate dissonat, et diffidet. Barbarismus in prosa nomen suum retinet, apud Poetas Metaplasminus et Pathos nuncupatur. Ideo licet ex Poëtis depromantur Barbarismi exempla, ne credas ipsos locutos esse barbare sive (ut Veteres sæpius dicebant) rustice: sed intelligas Barbarismum fore si quis ita loqueretur in prosa. Idem censendum est de Solœcismo, cui Schemati apud Poetas nomen est.

Esto Solœcismus, vitiosa oratio quævis.

C

Solœcismus

De Figuris.

Solæcismus, est impar et inconveniens compositura partium orationis: ut *Acuta gladius*. Salvere reverende magister. Vereres Solæcum dixerunt potius, à qua Solæcismo soloecissas, id est, incongrue loquor.

Obscura ignobilisque orationis species.

Obscuræ ignobilisque orationis species sunt octo: *Acyrologia*, *Pleonasmus*, *Perissologia*, *Amphibologia*, *Tautologia*, *Macrologia*, *Eclipsis* cum *Aposiopesi*, *Ænigma*.

Improprie sumptum verbum dicatur *Acyron*.

Acyrologia, est impropria dictionis usurpatio: ut *Spero pro timco*. *Accede ad hunc ignem*: id est, ad hanc meretricem. *Acyrologia* interpretatur impropria loquutio ab *acyros*, id est improprius, et *logia*, id est loquutio.

Omne supervacuum *Pleonasmus* rite vocatur.

Pleonasmus, est adjectio supervacua ad plenam significationem ut — *sic ore loquuta est*. Vidi his oculis. Et interpretatur superabundantia à *pleonazo*: i. plus quam oportet facio aut dico.

Esto *Perissologus* tibi sermo superfluous omnis.

Perissologia, est adjectio superflua sine ulla vi rerum: ut *Ibant qua poterant, qua non poterant, non ibant*. *Vivat Rex, et non moriatur*. Transfertur *Perissologia* superflua locutio: a *perissos*, id est superfluous, et est pene eadem quæ *pleonasmus*.

***Amphibolon* dubius *Romanis* sermo feretur.**

Amphibologia est vicio compositionis ambiguae posita sententia ut, *Aio te & Acida Romanos vincere posse*.

Et fit ab *amphibolos* id est dubius,

***Tautologos*, verbis variis rem signat eandem.**

Tautologia, est diversorum verborum aut orationum eandem rem significantium inculcatio: ut *Ipse egomet Venio, exultans redeo gaudensq; revertor*. *Tautologia* dicitur a *tautos*: i. identitas.

***Macrologos*, sermo nimiū prolixus habetur.**

Macrologia est longa sententia res non necessarias comprehendens. *Virg. Postera jam summo spargebat lumine terras, Orta dies cum primum alto se gurgite tollunt, Solis equi lucemque elatis naribus efflant*. Satis tuerat dixisse orta dies: *Macrologia*, traducitur longus sermo sine necessitate: a *macro*; id est longus.

Eclipsis, verbum. Reticentia verba subaudit.

Eclipsis unicum verbum, i. dictionem subaudit. Reticentia vero i. aposiopesis, plures dictiones suppressit. Eclipsis i. defectus seu defectio, *Terris jactatus & alto* — deest, in. *Ter.* Quem ego si sensero, deest machinari fallaciam, et accerrime puniam.

Est Ænigma gravis nimium tibi sermo solutus.

Ænigma, est obscura sententia per obscuram similitudinem rerum: mater me genuit, eadem mox gignitur ex me. Significatur enim aquam in nivem converti, & ex eadem rursus effluere *Diomedes* Mare concretum in creta ligneo in campo, ubi caro humana ossibus ludebat, quo significatur sal in cretacio salino, super mensā in quam manus talos jactabat. Ænigma dicitur ab ænit-; tomai, id est obscure loquor.

In ordinata orationis species.

Inordinatæ orationis species quinque: Tapinosis, Æschrologia, Cacophaton, Cacozelia, Cacosyntheton.

Magna Tapinosis tenui sermone recludit.

Tapinosis, est humilitas magnæ rei, non id agente sententia quod demonstrat: apud Virgilium, *Dulichias vexasse rates*, Pro atrocissime raptasse, ac laniasse: à tapinos, id est humilis.

Æschrologus, nobis obscœna oratio fertur.

Æschrologia, est vitio compositionis inverecunda oratio, aut compositio verborum obscœnæ significationis, &c. aut obscœnæ pronunciatio, ab aischros, id est turpis.

Est Caco rite phaton, quicquid sonat haud bene nobis.

Cacophaton, aut cacephaton, est obscœna pronunciatio, vel in cōpositione, vel in uno verbo. Arrigere apud poetas obscœne capitur: ut Arrige aures Pamphile. Cacon id est malum, Phaton, dictum, hoc est male sonans dictum.

Esto Cacozelon prava affectatio nobis.

Cacozelia, est per affectationem decoris corrupta sententia: cum eo ipso dedecoretur oratio quo illam voluit author ornare: ut

Aureus axis erat, temo aureus, aurea summa

De Figuris.

Curvatura rota radiorum argenteus ordo, &c.

Cacozelon, i. mala affectatio.

Haud bene compositum Cacofyntheton esto Latinis.

Cacofyntheton, est vitiosa dictionum compositio, vel indecens Scriptura: ut *Terga fatigamus hasta*. Cacofyntheton transfertur male compositum.

Dictio transformata Poetæ fit Metaplasmus.

Metaplasmus est transformatio quædam recti solitiq; sermonis in alteram speciem metri, ornatus necessitatisve causa: ut cœlicolum induperator: a meta, i. trans, & plasma, i. figmentum.

Metaplasmi species sunt quatuordecim: Prosthesis, Epenthesi, Paragoge, Aphæresis, Syncope, Ectasis, Syttele, Apocope, Diæresis, Synæresis, Eclipsis, Synalæpha, Antithesis, Metathesis.

Adjice principio quidquam, sic Prosthesis edes.

Prosthesis est appositio quædam ad principium dictionis literæ vel syllabæ: ut Gnate pro nate: tetulit pro tulit: astat pro stat. Dicitur à pros, i. ad, & thesis positio, h. e. appositio.

Adjice quid medio, sic fiet Epenthesis apte.

Epenthesis est appositio quædam ad mediam dictionem literæ vel syllabæ: ut Reliquias, gemino ll, pro reliquias: alituum pro alitum. Epenthesis dicitur ab epi, & en, quæ conjuncta significant inter, & thesis positio, ut sit interpolitio.

Adjice quid fini, pulchram facies Paragogen.

Paragoge est appositio quædam ad finem dictionis: ut potestur pro potest: a para, i. ad: & agoge, i. ductio, hoc est adductio.

Aufert quid capiti Vates, ut Aphæresin edat.

Aphæresis est ablatio de principio dictionis literæ vel syl: contraria Prosthesis: ut pone metum, pro depone: ab aphairo, i. aufero.

E medio quicquam tollas, ita Syncopa fiet.

Syncopa est ablatio de media dictione lit. vel syl. contraria Epenthesi: ut audacter, pro audaciter: a syn, i. con. & copro, incido. Est enim concisio: ut dixti, commôrat, pro dixisti, commoverat, &c.

Est

Est Apo nempe cope quicquam de fine recidens?

Apocope est ablatio de fine dictionis, literæ vel syl. contraria Paragogæ ut Achilli pro Achillis: ex apo, i. ab, & copto scindo.

Ectasis extendit tibi jure puer breviandum.

Ectasis est extensio syllabæ contra naturam verbi: ut Italia, prima producta, quæ natura alioqui corripitur. Dicitur ab ecteino id est produco. Eadem Diastole vocatur.

Producenda foret, quam Sistolâ corripit ipsa.

Systole est correptio syllabæ contra naturam verbi facta, contraria Ectasi: ut Aquosus orion, pro orion productio: a Systello, id est corripio.

Syllaba per binas divisa, Diæresis esto.

Diæresis est divisio unius syllabæ in duas: ut Aulæi pro aulæ: à diaireo, i. divido.

Syllaba de binis est facta Synæresis una.

Synæresis est conglutinatio duarum syllabarum in unam contraria Diæresi: ut Phæton dissyllabum pro trissyllabo: a syn, id est con, & æresis divisio, quasi divisorum conjunctio.

M, necat Eclipsis seu vocalem Synalœpha.

Ellepsis vel Eclipsis, est in literæ cum sua vocali ante vocalem elisio. Synalœpha est vocalis ante vocalem interemptio in diversis dictionibus. *O curva in terras animæ & cœlestium inanes.*

Eclipsis ab ec & leipo, id est deficio, & interpretatur elisio. Synalœpha, i. cellisio: a Synaleipho, i. conjungo.

Antithesis fiet tibi, litera si varietur.

Antithesis, est literæ pro litera positio: ut Olli pro illi: ab anti id est pro: & thesis positio: quasi aliud pro alio positio.

Est Meta nempe thesis, si transponas elementum

Metathesis, est literarum in alium locum transformatio, nulla litera e dictione sublata: ut Euandre, Tymbre, pro Euander, Tymber: a meta, i. trans, & thesis positio, quasi transpositio.

Præpositura quidem mutata, Paralaga fiet.

Protheseon paralaga aut parallage, est præpositionum mutatio, cum altera pro altera ponitur: ut Cui de te tantum licuit,

De Figuris.

pro in te. Protheseon parallage transfertur præpositionum mutatio, à pro id est præ, ante, & thesis positio.

De Schemate.

Schemata dant species tibi Lexeos, & Dianœas.

Schematis species sunt duæ: Dianœas, id est mentis, vel sensus dicendi, sententiarum. Lexeos: id est, dictionis, verborum, sermonis, orationum.

Schematis autem Lexeos species multæ sunt, sed necessariæ traduntur per quas similes colliguntur, Prolepsis, zeugma, Hypozeuxis, Syllepsis, Asyntheton seu Dialyton, Polysyntheton, Anadiplosis, Anaphora, Epanalepsis, Epizeuxis, Paronomasia, Polypoton, Hyrmos, Climax.

Schema transfertur cultus, figura, habitus. Dianœa, id est, sententia, Lexis, dictio.

Per partes referat totum, aut post facta Prolepsis.

Prolepsis est presumptio rerum ordine secutarum, vel cum numerus antè verbo redditur, quam personæ definiantur: ut

Interea Reges, ingenti mole Latinus

Quadri iugo vehitur curru, &c.

bigis it Turnus in albis,

Tum pater Æneas, Romana stirpis origo,

Et juxta Ascanius magna spes altera Roma,

Procedunt castris, &c.

Et Dicitur prolepsis, a pro, id est ante, & lepsis sumptio.

Verbo uno plureis sensus per zeugma recludo

Zeugma est unius verbi conclusio, diversis clausulis apte conjuncta: ut adversatur libidini castitas, avaritiæ, liberalitas, mediocritati luxuria, modestiæ superbia, strenuitati acedia. Zeugma interpretatur adjunctio, a zeugnyo jungo.

Jungit Hypozeuxis sua rebus verba quibusq;.

Hypozeuxis, est figura zeugmati contraria, ubi suum cuique clausulæ redditur verbum. Virg. *Regem adit, & regi memorat nomenque, genusque, Quidque petat, quibus ipse ferat.* —

Verbo

Liber undecimus.

Verbo uno varia est Syllepsis clausula nexa.

Syllepsis est diversarum clausularum per unum verbum conglutinata conceptio. veluti. Virg. *Hic illius arma, hic currus fuit.*
A syn, i. con & lepsis captio: ut sit conceptio.

Copula supprimitur, quo fiat Asyntheton apte.

Asyntheton, est oratio sine conjunctionibus necessario subauditis: ut Dum ætas, metus, magister prohibebant, à privativa particula: a sine, syn, id est con: & theton id est positum, quasi incompositum.

Copula multiplicata facit Polysyntheton usq;

Polysyntheton est oratio multis nexa conjunctionibus. Virg.

Athamasque, Thoasque; Pelidesque; Neoptolemus.

Primusque; Machaon. —

A poly, i. multum, & syntheton, i. compositum, quasi multipliciter compositum.

Est Anadiplosis repetunt ubi carmina finem.

Anadiplosis, est versus finis in principio alterius repetitio: ut

— *sequitur pulcherrimus Astur,*

Astur equo fidens, &c.

Ab ana id est re, iterum, & diplosis duplicatio.

Principium fit idem nonnunquam versibus apte.

Anaphora, est relatio verbi eiusdem, aut similis per principia complurium versuum: ut,

Nate mea vires mea magna potentia solus.

Nate patris summi, &c.

Ab ana i. re iterum, & phora latio.

Principio & fini reperitur versus eodem.

Epaneplexis, est cum eadem dictio & principium versus, & clausulam tenet. ut.

Multa super Priamo rogans super Hectoris multa.

Et interpretatur reacceptio siue replicatio: ab epi & ana quæ coniuncta significant re iterum, & lepsis acceptio.

Dictio

Dictio format Epizeuxin cum vi geminata.

Epizeuxis est ejusdem dictionis sine medio geminatio cum impetu pronuntiationis: ut *Meme adsum qui feci, in me convertite ferrum, O Rutuli, &c.* Interpretatur coniunctio aut combinatio.

In simili verbo ludit quandoque Poeta.

Paronomasia est veluti quædam denominatio, vel quoties aliud nomen efficitur de alio: ut *Næ isthæc inceptio*, est amentium haud amantium: à para, i. iuxta & onomasis denominatio.

Mobile cuique suum fixo connectitur apte.

Schesis onematon est cum singulis nominibus epitheta connectuntur. *Marsa manus, Peligna cohors, festina virum vis:*

Componitur ex nominativo schesis, i. habitus, & genitivo onematon, i. nominum, quasi habitus, vel habitudo nominum.

Principiis eadem est Paromœon, litera multis.

Paromœon est quando ab eisdem literis diversa dictiones sumunt initium ut *Machina multa minax vinatur maxima muris* Paromœon, i. simile: a para i. iuxta, & homoiios similis.

Verborum similis fit finis Homœoteleuton.

Homœoteleuton, est quum simili modo plurimæ dictiones finiuntur: ut *Bella horrida bella.* Dicitur ab omoios, i. similis, & releuton i. finitum.

Casus Homœoptoton erit similis tibi multus.

Homœoptoton est oratio uno similique casu compacta, & excurrens in eosdem & similes casus. Ennius, moerentes, flentes: lacrymantes ac miserantes: ab omoios i. similis, & ptosis casus.

Bella polyptoton varii fit clausula casus.

Polyptoton, est oratio casuum varietate distincta, aut clausula varios casus retinens:

Littora littoribus contraria, fluctibus undas:

Et dicitur a poly, id est multus, & ptosis casus.

Sermonis series prælonga vocabitur Hyrmos.

Hyrmos, est series aut constructio orationis continuæ, tenorem suum in multos versus protendens. Virg.

Principio cælum ac terras, camposque liquentes,

Lucentemque

Liber undecimus.

Lucentemque globum Luna Titaniaque astra.

Et dicitur Hyrmos, quali syrmos, i. tractus, à syro, i. traho.

E verbo in verbum Climax it pulchra figura.

Climax, est de verbo in verbum gradatio, quæ dicta repetit, & priusquam ad aliud descendat in prioribus resistit: ut *Aphricano* virtutem industria, virtus gloriam, gloria æmulos comparavit. Interpretatur scala vel gradatio.

De Tropis.

Vertit ad improprium Tropus omnia significatum.

Tropus, est verbi vel sermonis à propria significatione in aliam cum virtute mutatio: ut *Vulpes* pro astuto, *Bacchus* pro vino. Dicitur à trope, i. versio vel mutatio.

Tropi species sunt tredecim: Metaphora, Catachresis, Metalepsis, Metonymia, Antonomasia, Epitheton, Synecdoche, Onomatopœia, Periphrasis, Hyperbaton, Hyperbole, Allegoria, Homœosis.

Propter rem similem pro verbis verba repones.

Metaphora est rerum verborumque per similitudinem translatio: ut *vident prata*. a metaphorein, i. transferre.

Esto Catachresis bona vocis abusio nobis.

Catachresis est usurpatio nominis alieni: ut parricidam matris quoque aut fratris interceptorem dicimus: a cata, i. contra, & chelis i. usus, quasi contra usum.

At Metalepsis erit transumptio facta gradatim

Metalepsis, transumptio gradatim facta, cum dictio aliud à sua propria significatione ex his quæ præcesserunt denotat: ut

Post aliquot mea regna videns mirabor aristas.

Post aliquot aristas, ergo post segetes, & sic ætates, & deinde post aliquot annos: a meta, i. trans & lepsis sumptio vel acceptio.

Dico Metonymiã, *Bacchum bibo, Vina coronant*

Metonymia est nominum transmutatio quoties p. o. inventore inventum, pro continente contentum, pro efficiente effectum, pro possessore possessorem, aut contra capimus. Metonymia transfertur nominis transmutatio: a meta, i. trans, onoma, i. nomen.

Appella-

De Figuris.

Appellativum proprii vice sæpe locatur.

Antonomasia est vocabulum quod sine nomine positum proprio ejus loco fungitur: ut Magnanimus Anchisiades, pro Ænea. Saturnia pro Junone, transfertur pronominationis aut pronomen: ab anti id est pro, & onoma. id est nomen.

Exornat carmen fixo bene mobile quadrans.

Epitheton, est appositum nomini adjectivum, perpetuam ferme naturam rei indicans: ut Alma Ceres, pulchra Venus, Tristia bella: ab epi, i ad & theton positum quasi appositum.

Cum pars pro toto contrave, Synecdoche habetur.

Synecdoche est figura cum à parte totum intelligitur, aut contra: numerusque pro numero sumitur: ut

Da requiem puppi veniet cum frigidus annus.

Pro navi & hyeme. Interpretatur comprehensio.

Sæpe sonus causam fingendi nomina præstat.

Onomatopœia, est dictionis ex sono confectio: ut Mugio, pipio, hinnio: ab onoma, id est nomen, & poieo, id est fingo: Unde est nominis fictio.

Rem circumloquimur fit quando Periphrasis apte

Periphrasis est circumlocutio quædam cum id quod uno aut paucioribus verbis dici potest, pluribus explicatur, Virg.

Et jam prima novo spargebat lumine terras,

Tithoni croceum linquens aurora cubile.

Id est dies oriebatur, dicitur a peri, id est circum, & phrasis, locutio ut sit circumlocutio.

Valde turbatus vocum fit Hyperbaton ordo.

Hyperbaton est transgressio quædam verborum ordinem perturbans. Virg. Æn: 12. 161.

Interea reges (ingenti mole Latinus

Quadriungo vehitur curru cui tempora circum

Aurati bis sex radiis fulgentia cingunt:

Solis aris specimen: bigis it Turnus in albis.

Liber undecimus.

*Bina manu lato crispans hastilia ferro.
Hinc pater Æneas Romana stirpis origo,
Sydereo flagrans clypeo, & celestibus armis,
Et juxta Ascanius magna spes altera Romæ)
Procedunt castris,*—

Hyperbaton, verbi transgressio, interpretatur, ab hyperbaino, id est transcendendo. Cujus species sunt quinque: Hysterologia, sive Hysteron Proteron, Anastrophe, Parenthesis, Synchylis, Tmesis.

Hysteron est proteron, postponas si ante locanda.

Hysteron proteron est sententiæ cum verbo ordo mutatus.

Virg. *Et torrere parant flammis & frangere saxo.*

Prius enim frangunt saxo quam torrent. Hysteron, id est ultimum vel postremum. Proteron, id est prius. Hysterologia, præpostera locutio.

Ordo inversus erit tibi Anastrophæ præposituræ.

Anastrophæ est verborum tantum ordo præposterus: ut Italiam contra: maria omnia circum. Anastrophæ est reversio vel inversio ab anastropho.

Interjecta parenthesis est sententia quævis:

Parenthesis est interpositio diversæ sententiæ: ut

Æneas (neque enim patrius consistere mentem

Pasus amor) rapidum ad navem præmittit Achatem.

Interpretatur interpositio.

Synchylis est prorsum vocum, aut confusio sensus.

Synchylis est hyperbaton obscurum, & omni parte confusum:

ut *Tres notus abreptos in saxa latentia torquet.*

Saxa vocant Itali, mediis quæ in fluctibus aras.

Synchylis est confusio: a syn, id est con, & chylis fusio.

Quoquam interposito per Tmesin verbula scindo.

Tmesis est unius compositi vel simplicis sectio, una dictione
vel

De Figuris.

vel pluribus interjectis: veluti,

Est Borea regio septem subjecta Trioni

Tmesis dissyllaba dictio est, idem significans quod sectio: a temno
i. scindo. Eadem vocatur Diacope, i. intercisio.

Excessus fidei manifestus Hyperbola fertur.

Hyperbole est oratio excedens fidem, augendi vel minuendi
causa: Augendi, ut Nive candidior: Minuendi, ut vix ossibus hæ-
rent: ab hyper, i. super, & bole vel bolos, i. jactus.

Dic Allegoriam, sensu si verba repugnent.

Allegoria est tropus quo aliud significatur, aliud dicitur, & ita
verba sensu, i. sensui repugnant.

Virg. 2: Georg:

Sed nos immensum spacio consecimus aquor,

Et jam tempus equum fumantia solve colla.

Id est, quæ tractanda fuerunt, affatim explicuimus. Dicitur ab
allo & agoreuo, i. ab aliud agendo,

Illudens sermo recte Ironia feretur.

Ironia, i. dissimulatio aut illusio, qua contraria ostenduntur sen-
sui, quam verba præ se ferunt: ut

Egregiam vero laudem, & spolia ampla refertis,

Tuque puerque tuus. &c. Et dicitur ab eironeuomai,

quod est dissimulo, & cavillatorie decipio.

Antiphrasis verbum fit per contraria dictum.

Antiphrasis est unius verbi Ironia: ut bellum, quod minime
bellum: sic & lucus quod minime luceat, Antiphrasis est per con-
trarium locutio: ab anti i. contra, & phrasis locutio.

At Charientismos tibi molliet aspera dictu.

Charientismos est tropus qua dura dictu gratius proferuntur:
ut Si interroganti Num me quæsiuit quisquam. Respondebis, bona
fortuna, i. nemo. Charientismos, i. gratificatio & urbanitas.

Sermo procul notus, festiva paroemia fertur.

Paroemia, est accommodatum rebus & temporibus proverbium:
ut *Lupus est in fabula*, i. adest is cujus in præsentia loqui ve-
ramur: a para, i. iuxta, & oimia, i. cantus vel cantilena, quasi iuxta
omnium cantilenam.

Sarcasmos nobis hostilis risio habetur.

Sarcasmos;

Liber undecimus.

Sarcasmos, est plena odio atq; hostilis derisio, ut Pyrrhus ad Priamum, — *Referes ergo hac & nuntius ibis.*

Pelida genitori, illi mea tristia facta,

Degeneremque Neoptolemum narrare memento.

Simplicitas Alteismos erit, si rustica desit.

Alteismos est tropus multiplex, numerosæque virtutis. Nam est quicquid rustica simplicitate caret, & faceta satis urbanitate exprimitur: ut apud Virgilium in Bucol.

Qui Bavianum non odit, amet tua carmina Mævi,

Atque idem jungat vulpes, & mulgeat hircos,

Dicitur ab Alteios, i. urbanus.

Nota parum demonstrat Homœosis magis notis.

Homœosis, est rei minus notæ per similitudinem ejus, quæ magis nota est demonstratio. Cujus species tres sequuntur. Icon Parabola, Paradigma: ab omoios, i. similis.

Est Icon quoties formæ bene confert formam

Icon, est personarum inter se, vel eorum quæ personis accidunt comparatio: *Os humerosque Deo similis.* Icon iconis, i. imago, vel similitudo.

Iure disertus erit quisquis rem comparat apte

Parabola est rerum genere dissimilium comparatio: ut,

Qualis mugitus fugit cum saucius aras

Taurus: & incertam excussit cervice securim.

Parabola dicitur adjectio: a para, i. juxta, & bole jactus, ballus jacio: ut sit adjecta cuique rei comparatio:

Exemplum facti vel dicti sit Paradigma.

Paradigma est exempli hortantis vel dehortantis enarratio, Hortantis. *Antenor potuit mediis elapsus Achivis,*

Illyricos penetrare sinus, &c.

Dehortanti:

At non sic Phrygius penetrat Lacedæmona pastor

Ledaamque Helenam Trojanas vexit ad umbes

Paradigma est exemplum: Paradiknyo, i. exemplifico: a pai, i. juxta, & digma id est signum.

Miscellanea

De Figuris.

Miscellanea reliquarum figurarum declaratio.

Multa figurarum descriptio nomina sumit.

Figurarum descriptiones variis e rebus varia sortiuntur nomina : ut descriptio Temporis, Chronologia, Loci, Topographia, Natalis, Genethliacon, pugna: ut Monomachia, duorum singulare certamen : Naumachia, pugna navalis.

Invenies versum repetitum sæpe decenter.

Epimone est ejusdem versus frequens repetitio.

Virg.

Incipe Manalios mecum mea tibia Versus.

Intercalaris versus dicitur. interpretatur perseverantia & insistencia: ab epimonos: id est constanter.

Respondere solent scriptores objiciendis.

Anthypophora est ad objicienda responsio : ut

Sum pius, heu doleo, nam mihi sæpe nocet.

Possset quæri, Cur doles te pium esse? Huic tacitæ quæstioni sic occurritur, nam mihi sæpe nocet. Anthypophora est solutio, Hypophora namque objectio dicitur: ab anti, id est contra & hypophora quasi contra objectionem.

Quas tibi declarat Syntaxis non repetemus.

De appositione, evocatione, conceptione, prolepsi, zeugmate antiptosi, synthesi, & synecdoche, &c. quæ in Syntaxi dicta sunt. haud operæpretium fuerit hic repetere itaque illis supersedendum censeo.

Rem nimis ut notam ferimus nos sæpe tacere.

Parasiopeisis est quum aliud nos reticere dicimus, utpote omnibus notum : ut cum suspicionem excitare majorem reticendo possumus: quale est illud in præsentia judices, iniussu populi, quæ improbiissime gesserit reticebo. Dicitur à para, id est apud, ad, præter, & siope id est silentium.

Figere personam res est percrebra poetæ.

Poiosopœia est personæ fictio, quoties inanimatum ad animatum loquitur, aut contra, animatum ad inanimatum. Ovid.

Parve nec in video sine me liber ibis in urbem.

E apud eundem in Metamorph. ubi terra loquitur, dicitur à poiospon: id est persona, & poio, i, facio vel fingo.

Lau-

Liber undecimus.

Laudatur verbi repetitio facta decenter.

Epanodos est cum decore dictionis repetitio, sive regressio plerumque cum negatione, & interdum sine ea fit: Principatus bonus est, &c. Non bonus autem qui in tyrannidem convertitur. Fit ex epi & ana, quæ conjuncta iterum vel retro indicant, & odos via, quasi in priorem viam regressio.

Virtutum vitiis interdum nomina dantur.

Paradiastole est cum rem nostram dilatamus per interpretationes: ut, Cum astutum sapientem vocamus, prodigum liberalem, temerarium fortem. Componitur ex para, id est juxta, & diastole, id est dilatio.

Hendyaden facies solvens in mobile fixum.

Hendyadis est figura cum resolvitur substantivum in adjectivum: ut, — *Chalybem fransq; momordit*, pro chalybeos frans, — *Pateris libamus q; auro*, aureis pateris,

Ab en, id est unum: & dia, id est per: & dyo, id est duo, quando unum per duo dicitur.

Quando pati quod agit fero, contrave Hypallage habetur.

Hypallage est figura, cum verbum per diversum intelligitur, quum quo patimur, agere dicimur, aut contra ut, Trade rati ventos: pro trade ratem ventis. Ex hypo, id est sub: & allage id est mutatio.

Liptote erit quoties plus significans minus aio.

Liptote figura est qua minus dicimus quam significamus: ut Haud parum doctus, i. multum: a leipomai, i. deficio.

Antitheton fiet quoties contraria nectes.

Antitheton est figura qua contraria contrariis opponuntur: u

Frigida pugnabant calidis humentia siccis,

Mollia cum duris.

Antitheton, i. contra positum: ab anti, contra, & theton positum

Questio Erotema est inter numerata figuras.

Erotema est interrogatio: ut

Qui

De Figuris.

Quis furor? O Cives! Qua tanta licentia ferri?

Ab Erotao, id est interrogo.

Dicta prius declarat Epexegetis aperte.

N Epexegetis, est ante dictorum expositio vel declaratio: ut
Tolle fuga Turnum, atque instantibus eripe fatis:

In Dicitur ab epi, i. supra, & exegetis, i. expositio.

Ej mphasis est sensus major quā verba recludant

Emphasis, est figura altiore præbens intellectum, quam verba
ipsa declarant: ut *Semper ego auditor tantum? &c.*

ster In ego est Emphasis apud Iuvenalem. Emphasis interpretatur
D significatio: ab Emphaino, id est demonstro.

Quod nihil ad sensū facit, esto Parelcon ubiq;.

Parelcon, est dictionis aut syllabæ nihil ad sensum facientis ad-
jectio: ut *Adesdum, paucis te volo.* Dum parelcon est, syllabica
adjectio Dicitur a parelco, i. produco.

**Ob pulchram vocem quid factum, Euphonia
fertur.**

Euphonia, est mutatio quædam venustioris gratia soni: ut re-
deo pro reeo: ab eu, i. bene, & phone vox, quasi bona vox.

Versus ad absentē, dicetur Apostropha sermo.

Apostrophe est ad absentem sermonis conversio: ut *Te nunc
appello Africane,* &c. ab Apostrepho, i. avertō

Dic Allœothesia contra artem quid variatum

Allœothesia est accidentium contra artem mutatio: ut

Pars in frustra secant, &c.

Continet enim sub se Antiptosin, Synthesin, & plures alias fi-
guras. Et interpretatur aliter posita: ab alloios, id est alius &
varius, & theton, i. positum, thesis, positio.

FINIS.

I Have thought good (Christian Reader) for thy better understanding of this Calendar, to set down the order thereof. And first, as you may perceive, there are four columns in every Moneth: In the first are contained the dayes of every moneth: In the second the Golden number: In the third the Epact, to the Golden number of the change of the Moon, answering to the Golden number of that year: In the fourth the Sunday Letter. Where the letter o is set down, it sheweth the first houre of the day before noone; that is, one after mid-night; and the first houre after noone to be begun, but not ended. Now knowing the day of the Moneth, you may easily find all the rest correspondent thereunto. As for the change of the Moone, look in every Moneth where you finde your Golden number of that year, thereafter followeth the Epact houre and minute of the change: and b if it be before noone, and a if it be after noone: As for example, in the year 1633, the Golden number is 10, seek in January, and ye shall finde it upon the 10 day, and immediately thereafter 5 houres 38 minutes before noon: And so of all the rest,

If

thy mercies, for Jesus Christ thy Saviour, that as thou hast caused the light of thy word clearly to shine amongst us, and as thou hast plainly instructed us by the external ministry in the right way of our salvation, so it would please thee inwardly to move our dull hearts, and by the power of thy holy Spirit, that thou wilt write and seal in them that holy fear and reverence, which thou requirest of thy chosen children; and that faithfull obedience to thine holy will, together with the feeling and feeling, that our sins are fully purged, and freely remitted by that onely Sacrifice, which onely by it self is acceptable unto thee: to wit, the obedience, death, and mediation of thine onely Son our soveraigne Lord, onely Pastor, Mediator, and high Priest our Lord Jesus Christ. To whom with thee, O Father, and the holy Ghost, be all honour and glory, world without end, Amen.

A

2598
Chil